

Primaria

Ashaninka



# Cherepito

Martin pescador - 4°




PERÚ

Ministerio  
de Educación

# La ciudadana y el ciudadano que queremos





# Cherepito



Ministerio de Educación

Dirección General de Educación Básica Alternativa, Intercultural Bilingüe  
y de Servicios Educativos en el Ámbito rural

Dirección de Educación Intercultural Bilingüe

**Cherepito - Ashaninka**

Martín pescador - 4° Primaria - Ashaninka

©Ministerio de Educación

Av. De la Arqueología cuadra 2, San Borja  
Lima, Perú  
Teléfono: 615-5800  
[www.gob.pe/minedu](http://www.gob.pe/minedu)

Primera edición, 2023

Tiraje: 3510 ejemplares

Impreso en agosto 2023

**Elaboración de contenido**

Seferino Marcial Ruiz Asua, Eusebio Laos Ríos, Antonia Shambarí Pablo, Magdalena Zevallos Soto, Antonio Francisco Viriochi, River Yuri Flores Quinchori, Miguel Llanos Simón, Miqueas Jumanga Piriote, Napoleón Castellano Mitayero, Beli Ramos Alejandro, Hayda López Rubén

**Revisión lingüística**

Elfren Ramos Espíritu

**Asesoría y revisión técnica (Digeibira-DEIB)**

Elfren Ramos Espíritu

**Ilustraciones**

Domingo Casancho, Daniel Bernales Quillatupa, Jaime Chocloate Martínez, Cesar Tii Ikam

Se terminó de imprimir en agosto 2023, en los talleres gráficos de Pacífico Editores S.A.C.,  
sito en Jr. Castrovirreyna 224 - Interior 1.er piso, Urb. Azcona, Breña, Lima – Perú

Hecho el Depósito Legal en la Biblioteca Nacional del Perú N° 2023-06828

Todos los derechos reservados. Prohibida la reproducción de este libro por cualquier medio, total o parcialmente, sin permiso expreso de los editores.

Impreso en el Perú/*Printed in Peru*

# Amenantyari ñanarentsipe

Oinijantsi .....	5
Totiroki jero toniro osaiki nijaki .....	7
Piratsi impoiji shirampari .....	8
Timatsi oshiyakabenta mishirentsí .....	9
Shiyakantsi .....	10
Kobari .....	12
Apiiri .....	12
Inchato obarirori inkani .....	13
Ineshinonkaitiri tsobero .....	14
Tsame abetsike amatsaerentsi .....	16
Kitani isaiki antamiki .....	17
Tampea .....	18
Pampoyantsi .....	19
Tsimeri .....	19
Kashekari impoña etini .....	20
Kaarita .....	22
konabaireanto mintsarobaro .....	23
Nija .....	24
Opempe .....	25
Obatetantsi .....	26
Komitarentsi .....	26
Akisaiteri shima kapiroki .....	27
Shirampari manonkaari .....	28
Mapokaro konare .....	29
Konoya, shempiri shamerenti opoña ishatsante .....	30
Komintsari timpinari .....	32
Irampabanto osaiki antamishiki .....	34
Tashinkari .....	36
Yobanenkatantayetantakari tsimeri .....	38
Nokenkitsatakotya irobakera noñiro shinema .....	40
Entsi opoña kenkibaro .....	42



## **TEXTOS EDUCATIVOS INTERCULTURALES**

### **CHEREPITO**

Serie: Lectura en lengua ashaninka

Programa de Formación de Maestros Bilingües de la Amazonía Peruana

Asociación Interétnica de Desarrollo de a Selva Peruana (AIDESEP)

Instituto Superior Pedagógico Público “Loreto”




# Oinijantsi

Ñanamentotsika aretakamiri irotake amitakotemine piñanatantyari yotantsipankoki jaoka piñana jeiti aparope, aisati piyotakotantyarori iyotaneripe ashaninka.

Ñanamentotsikika ari osankenatakoyetari kenkitsarentsipe, abishimotantsipe, kasankapanarope, pampoyantsipe, betsikantsipe impoiji komitarentsi, iro amitakotemine pisankenatantyari abirori piyotiri terika iroinijayemiri piri, picharine, pisaro.

Nokoakotemi piñanatero, ari pinebetanakearo kenkitsarentsipe, nokemetaka narori noyatatakero maroni ñanarentsipe sankenatakotainchari ñanamentotsikika.



# Totiroki jero toniro osaiki nijaki

Totiroki isaiki nijaki jero toniro, tema irotake ijinatsori. Aririka omparikite toniroki nijaki, ari yobabakearo totiroki.

Aparoni kitaiteri, toniro oñanabintsatakeri totiroki, ari ipokajeitapake tonirobainiki, ikantajeitapake:



"Te onkametsateji  
piñanabintsatabakaya  
ontimatye pabakaya  
kametsa,  
onkaraityapaketa  
piñanabintsatabaka."


# Maniti impoiji<sup>1</sup> shirampari

Sankenarentsika, oñabentakotiri etini<sup>2</sup>, maniti<sup>3</sup>, jeri shirampari iñabejeiti.

Etini: Ani, ¿Jaoka<sup>4</sup> pitsiro? nokobi nanakero nobankoki, aririka oijatanakena, ari pobasanojeitakea emoki.

Maniti: Ari, kametsatake. Ari panakero notsiro, pamakenero ina emoki osaitekera, obabakeari.

Shirampari: Ejeje, eiro pikemisantiritsi charine etini, itseyá irinti ijitate emoki ishimotote.



1. Opoña/ ipoña    2. Eti / Ashoshi    3. Kashekari    4. Tsika

# Timatsi oshiyakabenta mishirentsi

Ainiro nebarkeribetani, osheki nomishitapinitiri impokiro ishonkana nobametiri pampoyantsi<sup>5</sup>.

Ari okanta, tsiteniripeki irosati nomishitapiniti. Aparosati kitaiteri nosampitakero ina: "¿Paitampa nomishimishitariri impokirope nopampoyakairi?" ari akana ina: "Pitarika shiyakabentachari, amashitya apatani pantyaritapakerika abiroyata jibatakantone nampitsi".

Meka, nobametanti oniyankiti jananekipe. Irotake iroñaka<sup>6</sup> nokenkeshireantarori okarati nomishiyetiri timatsi oshiyakabentari.



Ariyata okemetari okarati pimishiyetiri abirori, timatsi oshiyakabentari aparope.

5. Pantsantsi    6. Meka

# Shiyakantsi



Obakera ishiyakantaitantanari perani, ainiro nebankaritapakeni, ipokake paatiri paitachari Ignacio López. Arimachata ikantapakeri apa: "Nokobi noshiyakanteri pitomi".

Tekerani niyotero iriñane birakocha<sup>7</sup>, nokemashitakari apa ikantakena: "Pinkitsatyaro piitsare, irika paatiri ikobi ishiyakantemi". Notsarobaitanake noñabakerora ishiyakantamento yaakero itsarateki.

7. Chori / Sharakasati

Noshiyakanti intotatyena tema nokemakoyetiri birachocha pishitaako inayetati. Ari yaayetakero ayenkape, arantyari irarakomento.

Noñabakerora omorekanake imorek!, nomachokanake<sup>8</sup> shintsini. Irika paatiri ishirontanakana. Ari meka ipakena ichochokite, natsobetake. Ari ijataji paatiri.



Pashiniki kitaiteri ipokaji paatiri yamajanaro noshiyakantaro. Ari noñabajirori noboro kemetaka amenatyaro amenarontsiki. Ari okantimotakenari perani. Ariyata okantimotamiri abirori perani.

8. Nomatsiokanake

# Kobari

Naakeri kirinka kobari, kobari, kobari, kobari.  
Namakeri katonko kobari, kobari, kobari, kobari.  
Amenake kirinka impiyaje iriori irinkatekira,  
iriñapairi ishaninka iriro ishaninkaperori.  
Nama koba kobari (bis)  
Noshintsibentakeri  
Nama choronchoronma (bis).



# Apiiri

Chokiyō inene,  
Piria inene,  
te ashete inene,  
Kisopetoki inene.



Irimaki kachori,  
parenti pochari,  
poya kaniri,  
pintsipateri  
kobiri.

# Inchato obarirori inkani



Perani inchatope jitachai Maaniri, Kabiniri aisati Shimiro oñakobentakero irentope itobayetashitaro tyobiri jeri atiripe.

Iroñaka<sup>9</sup> Maaniri jero Kabiniri okantakero Shimiro: “¿Pikoi papatyakotena nokenkeshireari? Pamenerityami tyobiri jeri atiripe irotaintsi intsonkajeite intoye. Tsametyami ampiyabentajeitya arori”.

Ariakanake Shimiro: “Tsameketi, kantimaitacha, ashintsiperotantanakeari amanashireabakeri ababane Inkaniteri. Aisati ankantabakerita ajariri Ashipe, okantakeatakea yamitakotae ikiyayetero kipatsi. Ayetanakerita maroni ikarati kisanentayetaeri tema osheki yobariperotakae. Iyotantyarori timatsi arori ashintsinka”.

9. Meka

# Ineshinonkaitiri tsobero



Aparoni kitaiteri, ijatake tsobero yamenamenabeta chochoki otishikipe,  
kantimaitacha orointi iñapiniti tsorero.

Ari okantiri tsorero, tsobero:

"¿Paitatyá pimanintantakenari, aitake namitakotakemi".

Yakanakero tsobero, ikantiro:

"Ari nonintanakemi, aririka pipeanakea  
chochoki".



Akitanakari tsorero tsobero okantakeri:

"Pimachoke<sup>10</sup> shintsini". Ari  
imachokanake tsobero.


Okantajiri: "iPamenaje!".

10. Pimatsioke



Yamenanajira tsobero, iñatiro opiyotaka  
osheki chochoki. Ikimoshireitanake,  
yaitanakaro yatsotakero. Ipeakotanakaro  
tsorero, tema tsorero irotake oyempita  
Irampabanto.

Osamanityanake, obakera ikenkshireabetanajaro tsorero, ari  
ikanti: "¿Jaokaty<sup>11</sup> tsoreroranki neshinonkatakenari?", nokoi  
nopasonkitero". Yamenanaiti, iñatiro opatakaka inchatoki kaminkaro. Ari  
yobashiretakotanakaro tsobero.



11. Tsikaty

# Tsame abetsike amatsaerentsi<sup>12</sup>

*Kobayetachari:*

- Saboro
- Mampetsa
- Tsineri<sup>13</sup>
- Kotsiro
- Oshitsaki tsiyaro
- Shibankintsi
- Tyoshiki jeri tsibankiriki



*Akantero abetsikero:*

Pincheke saboro, ompoñashitakia pishibiriakero, pimonkaratero jaoka<sup>14</sup> okarati pinintiri, parobimaetyaro. Pishibiriero otonki tsiyaro ometarekitantyari amatsere. Aririka pibetsikanakero amatsaerentsi, paye tsineri, pintirinkero mampetsa pojsoyetantanaakearori oshitsakipe amatserentsi irosati pitsonkatantakearo. Pitsonkakerorika, pintsate shibankintsi, tyoshiki jero tsibankiriki.




12. Amatserentsi    13. Tiri    14. Tsika

# Kitani isaiki antamiki

Aririka ajate antamiki atimashibete, ari ankemakeri niyankite tsiteniri yatikiro inchamenta kitani.

Irika<sup>15</sup> kitanitatsiri, irinti irijaniki atiri. Aririka ashireapakeri isaikinta, ari inkisanakea, ari iñashirenkake imposhero inchato.

Erorka piñanashireapakeri, ari ishaankayetakeri piratsipe aisati ero yoinijayetsi tsimeripe, ontimatye amanashireapakeri ibajiroki, arikea ishinetakeri piratsipe anintiri.



15. Yoka

# Tampea



Pamenero kirinka tampea, tampeatapake.  
Pamenero katonko kitamarainkatapake. (Bis)  
Pamenero kirinka katsinkatanake maroni tsimeri.  
Pimpitsoke katonko kimoshire ikanta maroni tsimeri.  
Pariyashibankitake tiso<sup>16</sup> kirinka.  
Katonko, aranake ashibanti jenoki.

# Pampoyantsi

Atsikabakainkari pareto,  
atsikabakainkari pareto,  
Paretanikira,  
paretanikira.  
Je, je, tyareko,  
Je, je, tyareko.  
Noshonkaro nobanko,  
noshonkaro nobanko.



# Tsimeri



Tsimeri kityonkari  
kametsa pibanenkaro.  
Eroka<sup>17</sup> obametsatiro kitaiteri.  
Pitsonkatiro panitiro  
maroni antami pamenayeti  
pibarite.  
Tsimeri, kimoshire pikanta.  
Aririka onkitaitanake,  
maroni ikemisantaitiro pibantsane.

# Kashekari<sup>18</sup> impoña etini

Aparoni kitaiteri ijatake etini<sup>19</sup> ikachabaiti<sup>20</sup>. Ari imontsakari iraniri kashekari.



Ikanta kashekari isamapaka isaiki.



18. Maniti 19. Eti / Ashoshi 20. Impitasabaiti

Ari ijajeitanaji apiteroite, kantimaitacha ishitobimotapakeri tsamiri.



Ikanta kashekari ishinkitanakara, imaisantanakero<sup>21</sup> iroyari iraniri. Ari irabisakotajiri etini irobaityarime.



21. Ipiakotanakaro

Kiteriaro, 2 pasaropait 2013

Ashitanari

Kobiriaki

Nokobityakemi apa:

Apa, irojati okanta ineshironkare ashitairi  
añantakarori atekatsitake. Saikachana Kiteriarokika,  
tekatsitachana maroni. Ero pobashiretakotashitana,  
pobabisayeneri pabachori anenkantsi ejati koki  
tekatsijeitatsi maroni nentsitepayeni.


Koraketakena naretyami inkiabankatakerika  
kashiri. Pinkantero ina ejati choki ebankaro obetsike  
piarentsi niraperi, ari ankimoshireteri arika naretapakia.  
Pinkaimakanteri koki ejati anipayeni, nontsipatyari apata  
nosonkate, noshikorote.

Ari okarati nanenkane, ari ankimoshirete apata  
añabakapakiarika, poyena.

*Oshipiyo Araroshi Irioshi*

# Konabaerianto mintsarobaro

Aparoni kitaiteri, nojatake nijaki nonkonabete notsipatanakaro ina jero entyopayeni. Narejeitapaka nijaki ari obinkapakero koñapi<sup>22</sup> entyo, nokenitanaka kirinkaini noyiro koñapi ompokakote. Te osamanitanake, noñabaiti iramatapake osheki shiba ari nokoyabake ejati notetati noyantireki.



Nobaanakana pashiniki omotya<sup>23</sup>. Ikanta saikaintsi chenkari<sup>24</sup> inchajempekiki. Namenaperotanaiti noñatiri jankobitaka imayi, antaroite notsarobanake. Nokanta, miyanakana<sup>25</sup>, okapakana sambobatsaki, notsonkatapaka nokipatsitapake ejati nosokapakeri noshibane.

Okanta noniro oñakena nookapaka sambobatsaki ari oshiyapaka. Te osampitapakena oshirontamintsashitapakana. Ari nokamantabakero, tsarobanake, te onkobanaje amenanaje shiba.

Ari okantanake: "tsame ajataje".

Ari iroñaka nopokajeitaji pankotsiki.




22. Komo / Inchapari    23. Mijanakana    24. Maranke    25. Mijanakana

# Nija

Nija, eroka<sup>26</sup> panaro nañantari,  
pipanari pishimanepaye.  
Kimoshire nosaiki iroñaka  
onkantaitatyeya namenemi.

Kitesha pinati,  
te pimpirijanete osarentsiki.  
Eroka jañanta piratsipaye  
kimoshire ikantajeta.

Pobañayetiro inchatoshipaye  
iropero okanta maroni.  
Nopasonkitimi antaro  
eroka panaro nañantari.



# Opempe

Irika piratsi opempe isaiki antamiki, kantimaitacha te janitanete kipatsiki. Osheki jashimintsataro jimayi<sup>27</sup> inchatoshipaye. Irika opempe kokinti inati opoña katsimari.

Kitaiteriki yameni yobayetari,  
tsiteniriki osheki imai omoroki  
inchato. Yaniti apiteroite itsipataro ijina.

Irika opempe yobaro  
chebontoki, tsonkitiroki ejati  
onkochapaki.  
Ejati yobaro iitsokipaye chorito jeri tsori.



Irika opempe oyanini<sup>28</sup> okanta iito, antaro okanta ikiripa  
kiteriri, apite iroki chenkari, apite ishibanki, okitamaroti ishipaneki, kityonkari  
okanta imotoki. Timatsi iti yaatantari inchatoki.


Irika opempe yobaitari. Ishibanki jagaitiro<sup>29</sup> ashi amatsairentsi<sup>30</sup>, antsateri  
aitsareki, ontsateri atsampiroki ejati antyabitantyarori chakopi.

27. Imai / Imayi    28. Orijaniki    29. Yaitiro    30. Tsikenti / tsiyenti


# Obatetantsi

Nojataimpa, narorimpa, katonkompa,  
naminempa, nojinampa, nayerimpa,  
Shimakimpa.

Yatsikakeri pijiri<sup>31</sup> piri ikiriki.  
Yayi kiri yabiri irashi pikonkiri.  
Yobari kiri pijiri irashi ikonkiri piri.



# Komitarentsi



Nosaiki antamishiki,  
Nañantaro kipatsi,  
kisomokoina noitsare.  
¿Jaoka nojitari?

Nosaiki inchatoshiki,  
intani nokajemi tsiteni,  
Antaro noki.  
¿Jaoka<sup>32</sup> nojitari?



31. Piiri    32. Tsika

# Akisaiteri shima kapiroki

Pikobirika poya shima akisairentsi, ontimatyе paye kapiro. Pintobiriakero kametsa oyenchokiki.

Payeri iramporetsa shima impoiji pinkiberi, paftyari pinteteri kapiroki pikonoityari tibi. Tekera paanakeri pamariki, pishepitakotantyaro santeripana inkasankatantanakeari.

Paftyari pintashitakoteri pamariki, poipitsokapiniteri eiro itakotantatsi irosati iposatantakea. Piyotatyari posatakerika, piñantyaro ijaki pianakarika irajati. Ari okantakea pikempoyakoteri osamani. Ero ipoitanta, ontimatyе apitakotajeri pintashitakotajeri.



# Shirampari manonkaari


Aparosati ijatake iye ipibaeti tsiteni antamiki. Iñapake antaro inchato, ari isaekantapakaro, ikemati anitatsiri netsikiaji shikerek shikerek. Ari imajereti, irotakeri, iñatiri oporeriatake iroki ijitakantiri samani. Iraetitaro ichakopite inkentantyariri, ikemati kentakeriri imotokiki ari yoipakanakero ichakopite. Yotamotokitanaka yameni kentakeriri, ikantashiretanake: "Iropaete nonkentante narori ikentashitakana". Ikisanaka ikantanake: "Meka nonkenteri narori samani inkemakotabakenarota oyatsinka".

Iraetita yotajiri, iñati irosati isaeki, ikentitari chekik. Ishiyanaka yameneri iñatiri inoriaka paro, itimpanatanaka petak, petak, petak.

"Ejo, ¿eroma nobapaja samani?, meka onkisabaena nojina".

Ipokaji ikenkishiriabaeta, okantimonentakari yaretapaja ibankoki.

Ari ikamantapajiro ijina, okemabake okarati ikamantakerori oshirontimentanakari antaroete.




# Mapokaro konare

Chapinki osarentsiki, nonampiki Ishirora omapokaka antaro konare. Te añapintero. Iro okitaityabetanaka otsonka omanapakero maroni oniyankire pankotsi. Noniro Ana antaro otsarobanake, aanakeri obirape ikemetaty tyopiki, pantyo iriani, aisati entsite iriani.

Obataitanakeri omaapintira, ikanta yasamapaka tyopiki yajirikamintsatiri entsite, ari ishiyapitsatanakari nijaki, imotok! Ikanta entsi piinkanake iriori ejati imotok!, yashiribatanakaro nija ji, ji, ji. Iriori tyopiki amajatanake kitochi, kitochi. Ari yashetanake maroni ishibanki, tsitiyanake. Te añabairi. Entsira abajiri entyo.

Ari okantari abisaintiri osarentsiki chapinki.



# Konoya, shemperi shamerenti opoña ishatsante

Perani<sup>33</sup> añanatakoteri yatiribeta, aparoni kitaiteri ikenkitsajeitini.



Ari okenapake Ishatsante oñatiri iba maranke osampitapakeri:



Ari yobabakero shempiri shemi, shemi, shemi. Ikematiro okaintanakeri kabiriri, kaintanaka eje, eje, eje. Ikaintanakara shiyanaka pinkapake nijaki. Okantakantiro ishemebaiti.



# Komintsari timpinari

Perani timatsi aparoni shirampari ipaita Ochempi. Shiramparika iriperori komintsari. Aririka ijate antamiki ipankoshibetya, ikenti: kontsaro, pamoro, shirinti, kontona, makokoa.



Aparoni kitaiteri, iñake ebankaro, ari inintakero ijinantyaro. Abisake maba kashiri irosati yaantakaro, ikantanakero meka tsinane<sup>34</sup>: "Tsame nobankoki, ari ababisayero abakantsi". Okantanake: "je, tsameketi".

34. Kooya

Jibatanake shirampari yanitanake tik, tik, tik. Yaretapakara ibankoki ikantitaro ijina: "Tsinane pisabike, namenajanterota nobankoshi". Okantita: "je, pijateketi".

Ari ikenanake yanitanake tik, tik, tik, tik yamenajero ibankoshi, irokantacha opimotakeri, te iñajeroji, yoishonkapitsatakeri Irampabanto. Yamenabetanakaro abotsi te iñajeroji, kenashibetanaka. Ari meka ikajemanake: "Oo,o, timpinakenabe!" impoiji iranaka: "jii, jii, jii, ero noñajiro nojina, ari nonkamajantaje ajena noyatsinkare". Okemakeri meka ijina ari okajemanake: " Yora, ¿Paitampa antakemiri pirantari?" yakanake shirampari, ikanti: "te niraiyaji irointi nopampoyi<sup>35</sup>".




Ari okarati nokenkitsatakeri.

35. Nopantsai

# Irampabanto osaiki antamishiki

Okenkitsatakana isha okanti: "Okemeta perani nonampiniki Sankireniki, timatsi ashaninka osheki itsenkabeneti, janikarika kenkitsatakoterone Irampabanto.

Aparoni kitaiteri shiramparika ijatake ikiashiti. Ari ikenkishireakotapakero Irampabanto, ikemirora iriniro okantapinibetari: "Te onkametsateji pishetyakote pibankoshiki, ari pimontsakearo Irampabanto". Ikanti yakiro iriniro: "Aririka noñabakero, ari nonkentabakero".



Iro oshetyaperotanake irosati ikeashitiro ibankoshi yoyabeta kontsaro, tekatsi inkente.

Iro ishitobantajearime ikemati pantsatsiri iyojen, jen, jen. Shiramparika, yamenake omoroki ibankoshi iñatiro opokake tsinane kametsanto obanketiri oshempaki opempete.

Meka shirampari yaanakero intsipaite ichakopite ikenkishireanaka, ikanti: "Irotakeyata Irampabanto okenkitsatiri ina, jeri okijirinta opempete".

Okakijitapakera, yaitabakaro ikentitaro chekik. Ikemaitatiro okajemanake: "iAyabe ikentitakena, kamaarii!".

Ai ikenkishireanaka shirampari: "Kariyata Irampabanto, amashitya iroperori tsinane, naparaitakero nonkentabakero".

Ari ishitobanake ibankoshiki, ishiyaitanaka ibankoki. Yaretapajara ibankoki, ikamarankabetapake. Oshintsitanake meka iriniro aashiyetabakeri ibenkite, osatabajiri.

Iro okitaitamanaji ikenkitsatakamanijiro iriniro abishimotakeriri.

Ari ijajeitanake ishaninkape yamenampoiretajantiri ibankoshikinta. Iñapakero ichakopite okentashitakaro samakara.

Tempa irotake Irampabantotsiri akemakotiro ikenkitsayetiri ashaninkape.

Iroñaka irika shirampari ashiriakeri, te itsenkabetajeji janikarika kenkitsatatsine.



# Tashinkari

Aparoni meyiri<sup>36</sup> iyati yameni yobarite. Ari imontsakari iraniri maniti.



Ikanta meyiri ikenkishirianaka apaniroini.

Kemetaka naka yasaria yoya, ero ikantamaitana yobana, ari namatabitakeri ipoña nataipitsatanakeri.



36. Meiri

Ikanta imairikiatanake iraniri meyiri, ipoña ikenkishiranaka:



Ikanta maniti ipitsokanaka kapicheni, iñatiri meyiri ataitanake inchatoki.

Ikanta maniti abiapakeri itashe.



Ari okanta yabisakotaji meyiri, te iroyari maniti.

# Yobanenkantantayetanakari tsimeri

Perani Kiri ipeakeri icharine. Ari ikenkishireaka Kiri: "Noijatanajerita nocharine".

Ari ishiyaka Kiri ishiyapitsatanakaro irayiro<sup>37</sup> Sabori.

Yaretabajaria icharine niyankiki abotsi, ikantakeri:

"Paashitena inchakire paaroki, iro pipaikantyanari nopatitoki".

Ari ikantakeri, ipaekaetakeri Kiri ipatitoki. Ari oshiyatanaka meka osheki iriraja, okemetanakaro nijateni.



Meka<sup>38</sup> atiripe ikenkishireaka: "Aririka nokatakearo iriraja Kiri, ari niyotashiyetanakea ikemetara iriori". Ari ikajeitakaro iriraja Kiri. Yora intaperotanakarori, ipinkanake, ñatiro antaro itsare. Itsitiyanaji, itsapok!. Ari ishitobabetanaja, ipeitanaka sabaro.

37. Irairo    38. Iroñaka

Ipinkanake pashini itsapok!, ari ipeanaka obae<sup>39</sup>. Ishiyapaka pashini atiri kisari itsare, irointi itiritashitakaro irina, ari ipeanaka tsamiri.

Ipoñitapa pashini atiri, ipinkapake itsapok! Ari iñabaka ibanenkatana, te ikemetyariji pashinipe. Ikobasanoti irobanenkaperotya, yapititaro ipinki itsapok, tsapok!, iro ishitobabetanajara iñatiro itsare kamarashiteki. Ari ipeanakari tsiya. Ikenaitanake yaranake ikite!, iche che che che!.



39. Yorini

# Nokenkitsatakotya irobakera noñiro shinema



Aparoni kitaiteri yanakena nobatorote nampitsiki jitachari<sup>40</sup> Tsirishi,. Notinakotanaka arakomentotsiki, ari noniyankitakotanake, obankabankaitaka arakomentotsi, osheki notsarobanake. Noshiyakantiro iro nompariyakote.

Ari naretaka Potoshinkeniki impoiji noshiyakotanaka irosati Tsirishiki.


Oshetyanake meka, ijatakakena itomi nobatarote yamenakana shinema. Ipinabentapakero akiajeitanyari. Ari nosaikapake, osamanitapakera, iroñaka itsibakanake otamentotsi.

40. Paitachari / Pajitachari

Ari omaemanetanaka shinema manki, manki, manki, ikonijatapake soraro ikijakotari imorane. Itimabentabaka imanatabakajeita, noñabakerira ishiyapaka, notsarobaitanake, noshiyakanti ari imanaitakena narori. Iro noshiyanakeme. Ari yajirikabakena shintsini itomi nobatarote, ikantitana: "Ero pitsaroitsi, tekatsi ikantae arori irointi shiyakantsi".

Te okantabetya, okemeta timatsi pashini ikantetiro koñarishireri. Obakera noñabetiro noshiyakantiro iro orijani shinema.

Karimache, pashini onashita. Tema aikero ojayetati iyotanepe birakocha<sup>41</sup> kari añayeti perani. Irotake ayotajeri arori iroñaka anta ojatanakinta.



41. Choori / Sharakasati

# Entsi opoña kenkibaro

Aparoni entsi<sup>42</sup> ashikempitari ojokakeri tampea kirinka. Ikanta jamenake tsika otimi pankotsi isampitanyari timatsirika abotsi jatatsiri ipoñanta. Ari jaretaka aparoni pankotsi, iñapatiro aparoni kenkibaro paetacha Shimashiri.

Entsi: Nakabe, isha.

Shimashiri: Eroka nosari. ¿Paeta amakemiri jaka<sup>43</sup>?

Entsi: Tekatsi isha, amatyana tampea ari ojokakena jaka.

Nokobi nompiyaje nonampiki.

Shimashiri: Ja je. Ari, pimaye jaka okitaetamane noinijajemiro abotsi aretachari pinampiki.

Entsi: Pasonki, isha.



42. Jananeki    43. Jeraka / Aka

Ari isaikapake entsi imapake, okitaityamanake itinamanaja, irori Shimashiri akishiti kaniri.

Shimashiri: Nosari, pimpirinte<sup>44</sup>, poya kaniri pijatajatyeri.

Entsi: Je, isha.

Ari isaiki jobabaita kaniri irosati okitaeperotanake.

Entsi: Isha, pimpena pashini kaniri  
noyari abotsiki.

Shimashiri: Ja je, pitetero pitsateki. Tsame  
noinijayemiro abotsi pojateri.

Shimashiri: Jiroka abotsi pojateri irosati  
paretantajea pinampiki. Pamenanontya ikentikari  
picharine. Jiyatati keshiki rameni osheto.

Entsi: Je isha, ... jatana.

Ari jiyati entsi, niyankiki abotsi ikemati kaematsiri bajo, bajo, bajo, bajo. Ari itsaroapake jamenanake abotsiki. Ikemashitaka ñanatiriri itapiki.

Matsontsori: Amachenka, pimpoke jaka nosatetemi noetsareki.

Entsi: ¿Ero pobana?

Matsontsori: Ero. Nokobi namitakotemi nanajemi pibankoki ero yobantami acharine. Ari ipokapake entsi, satekapaka iitsareki matsontsori.

Entsi: ¿Tsika piyateka eroka?

Matsontsori: Nojatatye keshiki noijateri acharine.




Entsi: ¿Tsika<sup>45</sup> charine, iroñaka?

Matsontsori: Jirinta isaiki jobatya iboshinirite.

Jamenake entsi iñatiri antari kashekari<sup>46</sup> itsointa yobabaita. Ari itsarobanake. Ikanta isankane entsi anakero tampea yasankabakero kashekari.

Kashekari: Jm, jm, jm. charine, ¿Paeta sankatsiri? ¿oshetoni? ¿Tsika isaikika?

Matsontsori: Tekatsi charine, naka sankatsi nati tsipana  
nakipatantyariri noyentsorite.



Kashekari: ¿Te pomaneri osheto, charine?

Matsontsori: Te charine.

Entsi: Amachenka, ¿paeta ikantiri  
osheto?

Matsontsori: Eroka, patiritira.

Irika entsi shiyanaka itsabake<sup>1</sup> robaityari.

<sup>1</sup> Itsarobanake



INSTITUCION EDUCATIVA:								
DEPARTAMENTO:		PROVINCIA:						
^DISTRITO:								
Año	Grado	Sección	Nombres y apellidos del alumno	Código*	Condición del libro ^			
					Recibí	Firma del Padre	Entregué	Firma del Padre

\* Código = Número de orden del alumno Condición del libro:

A = Nuevo, completo, limpio, sin deterioro.

B = Completo, se puede borrar algunas marcas, sin deterioro.

C = Con marcas que no salen y con deterioros subsanables.

D = Inutilizable, requiere reposición.




### ¿Cómo cuido y limpio mis libros?

- Forro mi libro con plástico o papel y le coloco una etiqueta.
- Limpio mi libro con una franela.
- Uso mi libro con las manos limpias y en lugares apropiados.
- Realizo las actividades en un cuaderno u hojas de trabajo, sin rayar ni escribir en mi libro.
- Evito doblar las puntas y que se manche con líquidos o dulces.

¡Cuido los libros porque otro niño los utilizará el próximo año!

# SÍMBOLOS DE LA PATRIA



BANDERA NACIONAL



HIMNO NACIONAL



ESCUDO NACIONAL

## Declaración Universal de los Derechos Humanos

El 10 de diciembre de 1948, la Asamblea General de las Naciones Unidas aprobó y proclamó la Declaración Universal de Derechos Humanos, cuyos artículos figuran a continuación:

**Artículo 1.** Todos los seres humanos nacen libres e iguales en dignidad y derechos y (...) deben comportarse fraternalmente los unos con los otros.

**Artículo 2.** Toda persona tiene todos los derechos y libertades proclamados en esta Declaración, sin distinción alguna de raza, color, sexo, idioma, religión, opinión política o de cualquier otra índole, origen nacional o social, posición económica, nacimiento o cualquier otra condición. Además, no se hará distinción alguna fundada en la condición política, jurídica o internacional del país o territorio de cuya jurisdicción dependa una persona (...).

**Artículo 3.** Todo individuo tiene derecho a la vida, a la libertad y a la seguridad de su persona.

**Artículo 4.** Nadie estará sometido a esclavitud ni a servidumbre; la esclavitud y la trata de esclavos están prohibidas en todas sus formas.

**Artículo 5.** Nadie será sometido a torturas ni a penas o tratos crueles, inhumanos o degradantes.

**Artículo 6.** Toda persona tiene derecho, en todas partes, al reconocimiento de su personalidad jurídica.

**Artículo 7.** Toda persona tiene ante la ley y tienen, sin distinción, derecho a igual protección de la ley. Todos tienen derecho a igual protección contra toda discriminación que infrinja esta Declaración (...).

**Artículo 8.** Toda persona tiene derecho a un recurso efectivo, ante los tribunales nacionales competentes, que la ampare contra actos que violen sus derechos fundamentales (...).

**Artículo 9.** Nadie podrá ser arbitrariamente detenido, preso ni desterrado.

**Artículo 10.** Toda persona tiene derecho, en condiciones de plena igualdad, a ser oída públicamente y con justicia por un tribunal independiente e imparcial, para la determinación de sus derechos y obligaciones o para el examen de cualquier acusación contra ella en materia penal.

**Artículo 11.**

1. Toda persona acusada de delito tiene derecho a que se presume su inocencia mientras no se pruebe su culpabilidad (...).

2. Nadie será condenado por actos u omisiones que en el momento de cometerse no fueron delictivos según el Derecho nacional o internacional. Tampoco se impondrá pena más grave que la aplicable en el momento de la comisión del delito.

**Artículo 12.** Nadie será objeto de injerencias arbitrarias en su vida privada, su familia, su domicilio o su correspondencia, ni de ataques a su honra o a su reputación. Toda persona tiene derecho a la protección de la ley contra tales injerencias o ataques.

**Artículo 13.**

1. Toda persona tiene derecho a circular libremente y a elegir su residencia en el territorio de un Estado.

2. Toda persona tiene derecho a salir de cualquier país, incluso del propio, y a regresar a su país.

**Artículo 14.**

1. En caso de persecución, toda persona tiene derecho a buscar asilo, y a disfrutar de él, en cualquier país.

2. Este derecho no podrá ser invocado contra una acción judicial realmente originada por delitos comunes o por actos opuestos a los propósitos y principios de las Naciones Unidas.

**Artículo 15.**

1. Toda persona tiene derecho a una nacionalidad.

2. A nadie se privará arbitrariamente de su nacionalidad ni del derecho a cambiar de nacionalidad.

**Artículo 16.**

1. Los hombres y las mujeres, a partir de la edad nubil, tienen derecho, sin restricción alguna por motivos de raza, nacionalidad o religión, a casarse y fundar una familia (...).

2. Sólo mediante libre y pleno consentimiento de los futuros esposos podrá contraerse el matrimonio.

3. La familia es el elemento natural y fundamental de la sociedad y tiene derecho a la protección de la sociedad y del Estado.

**Artículo 17.**

1. Toda persona tiene derecho a la propiedad, individual y colectivamente.

2. Nadie será privado arbitrariamente de su propiedad.

**Artículo 18.** Toda persona tiene derecho a la libertad de pensamiento, de conciencia y de religión (...).

**Artículo 19.** Todo individuo tiene derecho a la libertad de opinión y de expresión (...).

**Artículo 20.**

1. Toda persona tiene derecho a la libertad de reunión y de asociación pacíficas.

2. Nadie podrá ser obligado a pertenecer a una asociación.

**Artículo 21.**

1. Toda persona tiene derecho a participar en el gobierno de su país, directamente o por medio de representantes libremente escogidos.

2. Toda persona tiene el derecho de acceso, en condiciones de igualdad, a las funciones públicas de su país.

3. La voluntad del pueblo es la base de la autoridad del poder público; esta voluntad se expresará mediante elecciones auténticas que habrán de celebrarse periódicamente, por sufragio universal e igual y por voto secreto u otro procedimiento equivalente que garantice la libertad del voto.

**Artículo 22.** Toda persona (...) tiene derecho a la seguridad social, y a obtener (...) habida cuenta de la organización y los recursos de cada Estado, la satisfacción de los derechos económicos, sociales y culturales, indispensables a su dignidad y al libre desarrollo de su personalidad.

**Artículo 23.**

1. Toda persona tiene derecho al trabajo, a la libre elección de su trabajo, a condiciones equitativas y satisfactorias de trabajo y a la protección contra el desempleo.

2. Toda persona tiene derecho, sin discriminación alguna, a igual salario por trabajo igual.

3. Toda persona que trabaja tiene derecho a una remuneración equitativa y satisfactoria, que le asegure, así como a su familia, una existencia conforme a la dignidad humana y que será completada, en caso necesario, por cualesquier otros medios de protección social.

4. Toda persona tiene derecho a fundar sindicatos y a sindicarse para la defensa de sus intereses.

**Artículo 24.**

Toda persona tiene derecho al descanso, al disfrute del tiempo libre, a una limitación razonable de la duración del trabajo y a vacaciones periódicas pagadas.

**Artículo 25.**

1. Toda persona tiene derecho a un nivel de vida adecuado que le asegure, así como a su familia, la salud y el bienestar, y en especial la alimentación, el vestido, la vivienda, la asistencia médica y los servicios sociales necesarios; tiene asimismo derecho a los seguros en caso de desempleo, enfermedad, invalidez, viudez, vejez u otros casos de pérdida de sus medios de subsistencia por circunstancias independientes de su voluntad.

2. La maternidad y la infancia tienen derecho a cuidados y asistencia especiales. Todos los niños, nacidos de matrimonio o fuera de matrimonio, tienen derecho a igual protección social.

**Artículo 26.**

1. Toda persona tiene derecho a la educación. La educación debe ser gratuita, al menos en lo concerniente a la instrucción elemental y fundamental. La instrucción elemental será obligatoria. La instrucción técnica y profesional habrá de ser generalizada; el acceso a los estudios superiores será igual para todos, en función de los méritos respectivos.

2. La educación tendrá por objeto el pleno desarrollo de la personalidad humana y el fortalecimiento del respeto a los derechos humanos y a las libertades fundamentales; favorecerá la comprensión, la tolerancia y la amistad entre todas las naciones y todos los grupos étnicos o religiosos; y promoverá el desarrollo de las actividades de las Naciones Unidas para el mantenimiento de la paz.

3. Los padres tendrán derecho preferente a escoger el tipo de educación que habrá de darse a sus hijos.

**Artículo 27.**

1. Toda persona tiene derecho a tomar parte libremente en la vida cultural de la comunidad, a gozar de las artes y a participar en el progreso científico y en los beneficios que de él resulten.

2. Toda persona tiene derecho a la protección de los intereses morales y materiales que le correspondan por razón de las producciones científicas, literarias o artísticas de que sea autora.

**Artículo 28.** Toda persona tiene derecho a que se establezca un orden social e internacional en el que los derechos y libertades proclamados en esta Declaración se hagan plenamente efectivos.

**Artículo 29.**

1. Toda persona tiene deberes respecto a la comunidad (...).

2. En el ejercicio de sus derechos y en el disfrute de sus libertades, toda persona estará solamente sujeta a las limitaciones establecidas por la ley con el único fin de asegurar el reconocimiento y el respeto de los derechos y libertades de los demás, y de satisfacer las justas exigencias de la moral, del orden público y del bienestar general en una sociedad democrática.

3. Estos derechos y libertades no podrán, en ningún caso, ser ejercidos en oposición a los propósitos y principios de las Naciones Unidas.

**Artículo 30.** Nada en esta Declaración podrá interpretarse en el sentido de que confiere derecho alguno al Estado, a un grupo o a una persona, para emprender y desarrollar actividades (...) tendientes a la supresión de cualquiera de los derechos y libertades proclamados en esta Declaración.